

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊第四十三輯
沈雲龍主編

水雲樓詩詞稿合本

蔣春霖撰

文海出版社印行

絃

原夫詩餘之作蓋亦樂府之遺孤臣孽子勞人思婦籲閭闔而不聽繼以歌哭懼正容之莫悟矢以曼音其體卑其思苦其寄託幽隱其節奏擘緩故爲之者必中句中矩端如貫珠宜宮宜商較之桑黍太白飛卿實導先路南唐兩宋蔚成巨觀玉宇高寒子瞻將其忠愛斜陽烟柳壽皇識爲怨誹當日朝野不少賞音元之雜以俳優明人決裂阡陌淫哇日起正始胥亡高論鄙之弁髦小儒鼓其瓦缶臣質之死匠石傷焉蔣生鹿潭承明不遇作吏淮東賈僧與居踞觚竈北菱衣荷裳羌修能之自絜霓旌玉玦指潛淵以爲期一夕相思八公招隱孰海唱之孤憤答鬼語之幽脩有河上之同歌吹參差兮自訴又况簾雨闌珊念家山於破後衍波迢遞悵瓊佩之來遲鳩媒鴛譽傷如之何徒觀其擁鼻苦吟吹唇審律性有三好技了

十人謂爲倚聲人淺之論作者矣僕強舌難調知心幸託不辭惶引聊代
艋歌駒谷人來問花外羊求之徑虎谿送罷聽嶺閒鸞嘯之音歲在丁巳
冬杪六合彛舟甫徐嘉敘於東臺舟次

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



絃

暝色沈花晴颺扇竹海月將吐谿雲亂飛惟時薄游東亭一燈僧榻迺興
索居之歎載詠伐木之什夜漏二下見有排闥入者蔣君鹿潭也匪子猷
雪夜之船來因乘興異張敏夢中之路歡若平生相與俯仰古今斟酌損
益繹阮瞻之三語研沈約之四聲于是得讀所著水雲樓詞焉夫倚聲一
道厥工南渡後有作者等諸自鄮清詞麗句或囁以聲律無準引商刻羽
則失之葩采不流學者病焉蒙有述矣善乎休文之答韓卿天機啓則律
呂自調六情滯則音韻頓舛誠祛惑之丹沙摘詞之藻鏡也以今證古如
鑑取影詞爲詩餘不易此論鹿潭所作于九宮七始八十四調不差毫黍
而能天機開闔六情諧暢別具工儻自成馨逸視夫膠柱聆音引繩約尺
目論一孔技窮三變者不啻水觀海而泥憶雲矣况復資性過人幼辨燈

瑗默識在己長知爨材元亮讀書義無求于甚解伯休賣藥名獨畏夫人
知構思既深每踴壁而臥造語有得則閉門以吟泊夫漢上題襟揚州聽
鼓十年短夢付紅橋水上之簫五月思家譜黃鶴樓中之笛而鹽鐵之論
未申于文學衛官之寄尙屈于幕僚幾呼賀鑄爲老兵笑左思爲僮父矣
宜其長卿善病平子工愁四時得秋氣爲多八音惟金聲最響人來冀野
馬價難高客上樊樓酒悲不少旗亭驛壁寫行旅之蕭騷趙北燕南極風
懷之跌宕讀者徒知其詞之豐不知其遇之蹇也僕妃豨未學硯肆無分
才謝王筠偶賞其雌霓居鄰淮海愛唱夫微雲差有一日之知能無千秋
之想揜蓬蒿于舊徑君稱元卿忘詞筆于春風我慙何遜咸豐八年歲在
戊午三月旣望江甯何詠撰于東亭慈雲禪社之散花室

站西右陽而無上無雄鐘


傷離悼亂每有感慨於是乎寄夫以君之才思排金門歷元闕任承明著作無愧卽出肩民社之責理勞榦劇有餘裕也顧名不通版浮沈椽曹又爲世擯棄將以詞人終遇亦窮矣然而君羈泊海上時有晏大夫其人者慰郵孤窮分粟以哺之得免槁餓可以閉門獻歌則君之窮又未至留落不耦如余者也因感而敘焉咸豐辛酉年午月上旬甘泉李肇增撰

絃

烏呼噫嘻楚客幽憤呵壁問天王郎抑塞拔劍斫地盛孝章之身世憂能
傷人陶靖節之生平飢來驅我素不習搔頭弄姿委遺躄旅以取一時之
妍復不敢明目張膽跳盪跌胖致觸並世之忌出室一步舉扇障元規之
塵讀書三年鉏金割管甯之席不得已而集成乾牒名噉畫餅幺弦響振
則峽媛嘯血單詞吟妥則窻雞破夢天雖高倚杵及之海雖深銜石平之
崔君苗焚棄筆硯李長吉歐出心肝我讀蔣子水雲樓詞而悄然以悲廢
然以嘆也夫其乘彌戾之車抱蕭邱之性方寸映日都現文章清談千雲
不模珠玉羅含之夢烏五色汗漫之屠龍千金謂宜一上強臺三奪坐席
影然而魚龍跨鏘爾而鸞皇鳴而乃司馬家貧安仁宦拙神劍繞指明瓊
表心世方以大樂享魯爰居我且視諸石如海鷗鳥洗耳行潔或誣以盜

冠倚柱聲悲頗疑爲求牡伯龍牟利鬼笑梁開子昂賣文琴碎市上徒墜
數以何裨究連狝而無傷猶復絲竹寓感烟雲鬱懷島飯留賓楹書付子
南面北面何曾夫婦之儀東頭西頭陸機弟兄之屋時或蕪城作賦山陽
聞笛吟杜陵出塞之章灑新亭高會之涕日倦脩塗心傷逝湍弔精靈於
夜壑惜日月於扁舟逮至秋鬢凋殘春人委化淚浮盈寸目鰥徹旦百歲
栩栩蒙楚但思歸其居四海浩浩浮萍不能予之蒂於是天錫小名自稱
獨活玉谿短詠半託無題故其爲詞也秀奪山骨豔息花胎鶯簧百轉燈
珠九曲繭肖愁狀果回甘味合仙梵以同音起古人而對面始信崔浩思
苦至與魅爭道衡功專惡聞人語宜其神解獨超而孤芳自賞者焉榮槐
以丁戊之歲客游淮海閒秦人視越肥瘠何關网兩問景蹤迹適合雲喬
晏起終朝而伴休文范縝寡交舉足輒尋王亮每當抽豪發詠託旨聘妍

賞王筠之一篇定虞松之五字未嘗不抉剔癥垢酒滌性靈相視而笑莫
逆於心落落焉渺千古爲一胸羅萬象於寸紙槐雖舌彊腕棘而於蔣子
所作無閒然矣烏呼茲歌應節流水可以移情河梁小別停雲因而增慨
君如效塞主吟何減黃葉碧雲之句我知有井水處能唱曉風殘月之詞
辛酉八月秀水二梅褚榮槐敘




水雲樓詞目錄

卷一

詞五十一首

卷二

詞五十五首



水雲樓詞卷一

江陰蔣春霖鹿潭

甘州

余少識劉梅史於武昌不見且二十年辛亥余爲淮南鹽官梅史自吳來訪秋窗話舊清淚盈睫其飄泊更不余若也

怪西風偏聚斷腸人相逢又天涯似晴空墮葉偶隨寒雁吹集平沙塵世幾番蕉鹿春夢冷窗紗一夜巴山雨雙鬢都華笑指江邊黃鶴問樓頭明月今爲誰斜共飄零千里燕子尙無家且休賣珊瑚寶玦看青衫寫恨入琵琶同懷感把悲秋淚彈上蘆花

東風第一枝

冬至

雀醉晴檐蠅酥凍紙嚴霜忽作輕暖錦貂纔近熏爐鳳律暗移翠瑋尋春
無處但日日春痕偷展恰引起千丈愁思添似繡牀金綫 雲影薄畫簾
乍卷山意冷瘦筇又懶幾多釀雪樓臺豫滌熨寒酒瓊梅魂知否怕迤邐
年華將換待借佗一縷東風悄把萬花吹轉

一萼紅

清明前一日偕周蓮伯散步城北紅日已西乃至虹橋復買小舟
過桃花庵蓮性寺烟水淒然游人絕少共溯洄者漁船三兩而已
趁春晴步前汀未晚舟小蹙波行抱樹谿彎眠沙石老芳艸隨意青青乍
驚起閒鷗短夢伴落日三兩櫂歌聲水曲豪箏柳陰叢笛那處重聽 多
少夕陽樓閣倚闌干不見空見流鶯螢苑星繁虹橋月豔還記玉輦曾經
自湖上遊僊事杳問桃花又過幾清明賸取淒烟楚雨愁畫蕪城

謁金門

人未起桐影暗移窗紙隔夜酒香添睡美鶻聲春夢裏
妝罷小屏獨倚
風定柳花到地欲拾斷紅憐素指卷簾呼燕子

掃花遊

點波細雨乍泥住歸人便遲春信布帆漫整滿空江化酒別筵花韻數徧
郵籤也怕鶯期未準雁程緊試悄向故園先探芳訊
歸夢今夜權奈溼
霧濛濛畫樓難認野梅瘦損爲淒吟客裏賸紅銷盡墮水流香又把孤蓬
暗引醉鄉近壓春潮一船幽恨

木蘭花慢

江行晚過北固山

泊秦淮雨霽又燈火送歸船正樹隱雲寒星垂野闊暝色浮天蘆邊夜潮

驟起暈波心月影盪江圓夢醒誰歌楚些冷冷霜激湘弦 嬋娟不語對
愁眠往事恨難捐看莽莽南徐蒼蒼北固如此山川鈞連更無鐵鎖任排
空檣艣自回旋寂寞魚龍睡穩傷心付與秋烟

瑣窗寒

荒江晚泊清寒送秋記去年款紅軒茗話正此時也

細竹通涼疏苔媚雨曉簾慵卷窺花隔座鏡裏暗傳嬌眼最憐佗傷春未
工畫眉錯問愁深淺甚妝樓一霎西風如葉夢雲吹散 重見羞郎面但
恨指吳山斷霞沈晚扁舟暝宿冷月稀星孤伴繞空江蘆花夜明去鴻影
淡烟岫遠又寒莎兩岸鳴蟲絮語驚秋換

浪淘沙

雲氣壓虛闌青失遙山雨絲風絮一番番上巳清明都過了只是春寒

花發已無端，何況花殘飛來胡蝶。又成團圓，明日朱樓人睡起，莫卷簾看。

渡江雲

春明再到，人事都非，崔護蕭郎一時同感。

燕泥銜杏雨，鷺薰隱篆，朱戶晝惺惺。半窗松影碎，小語分襟，日暖喚青禽。
羊車再到，那不見，招手樓陰空自踏。落花歸去，消歇酒杯心。沈吟紅牆
幾尺，遠過蓬山，更難通魚錦，換盡了陌頭柳色。愁滿羅襟，夢中常訂重逢
約。甚隔簾翻怕，相尋門又掩，碧桃一樹春深。

綺羅香

寒菜

曉露荒園斜陽破寺，十畝蟹聲啼徧，倦綠無多。生意井闌西畔，繞榿籬蝶
影還飛。近麥隴馬蹏偏賤，怪年年冷逐蓬蒿，閉門秋老，壯心懶。齋盤滋

味最好記件西風信裏蕤蕤菰飯笠影鴉鈕因甚故鄉歸晚待青玉一瓊
春深賸黃葉半畦霜淺認挑燈細雨山家客來寒夜翦

壽樓春

揚州之行歷春徂秋萍梗再移短夢雲散作閑情賦

過垂楊春城縹游絲一縷偷倚紅情記得開簾收燕隔花調鶯桃葉渡誰
相迎又幾番潮生潮平待菱唱船歸荷香路惜留月伴娉婷 西風起涼
蟬鳴早拋閑素扇歌斷瑤箏可奈詩題愁寄夢回無憑珠戶寂銀缸明任
聽殘秋宵長更但疏雨空階蕭蕭半山黃葉聲

水龍吟

沈珠傳奇好以落花胡蝶泥人賦詩爲填此闋

絳娥吹墮瑤京可憐豔骨多塵土幾番夢醒僊衣重試冶遊愁數寶扇兜

雲玉階團雪欲離還聚恨東風力倦娉婷雙翅銜不上朱樓去 記共隨
青歸路鬪盈盈瘦腰紅舞西鄰再過滿庭莎艸一天飛絮枝老春空水流
香在綠陰千樹但銷魂歌板年年彈淚憶花開處

甘州

王午橋常山人詞筆清麗似吳夢窗渡滹沱時相見庚午復遇於
南中云自越絕返都門也歌而送之

記疏林霜墮薊門秋高談四筵驚擊珊瑚欲碎長歌裂石分取狂名短夢
依依同話風雨客窗燈一醉江湖老人似春星 鷺上長安舊路悵春來
王粲還賦離亭喚天涯綠徧今夜子規聲待攀取垂楊寄遠怕楊花比客
更飄零淒涼調向琵琶裏唱徹幽并

蝶戀花

雲影壓檐蛩語咽涼雨聲聲心碎梧桐葉天外雁程飛又歇小屏山上晴
沙闕 愁減腰圍添鬢雪慵戀寒花病似殘秋蝶題罷瑤箋和淚疊相思
後夜團團月

金菊對芙蓉

層雲閣陰春寒不休年年梅子黃時客懷如是

日澹還收雲低不落輕寒輕暝輕陰正朱弦響澀寬褪湘琴獸爐潮暈香
遲起似潑水庭戶愔愔疏簾影裏晝長人懶都戀香衾 費盡春深春淺
把春人釀作梅子酸心怕東風去後夢更難尋近來天亦愁如睡鎖山眉
雨意沈沈無端送別絮飛花落偏是而今

探芳訊

瓜州夜渡

大江暮漸遠寺沈鐘津亭換鼓趁荒殘月斜帆夜深渡膏騰夢在寒潮
裏浪齧船唇語信西風權入菰蘆纜維霜樹回首竹西路賸鴉宿孤村
雁驚遙戍星火微茫曉色亂瓜步數聲漁笛吹秋起往事空煙浦正無聊
篷背瀟瀟細雨

木蘭花慢

中秋日周桐實自浙西歸得周蓮伯字

亂霞晴隔浦正橫笛暮江樓看沙際潮回城陰樹暝帆勢遙收灣頭數枝
瘦柳尙依稀認得去時舟雁外心傳錦字鷓邊夢閣離愁凝眸桂影碧
空浮誰共舉瓊甌問西湖今夜幾分明月可似揚州重遊待拌醉倒怕石
橋楓冷又深秋折得蘆花懶寄絮雲吹滿芳洲

月下笛

院落乍秋亂蛩絮壁賦寄眉月樓

淺樹留雲疏花倚石小亭秋聚風泉暗語夜深琴韻愁譜芭蕉葉碎桐陰
減料不礙空階細雨奈箋紋疊雪爭牀橫玉舊情無數 休賦歸來句待
采徧芙蓉隔江烟霧吹簫俊侶跨鸞今在何許相思淚滴珊瑚枕尙夢到
穿鍼院宇只後夜酒醒時滿地鳴蟲自苦

柳梢青

芳艸閒門清明過了酒滯香塵白棟花開海棠花落容易黃昏 東風陣
陣斜曛任倚徧紅闌未溫一片春愁漸吹漸起恰似春雲

淒涼犯

十二月十七日夜大寒讀書至漏三下屋小如舟虛窗生白不知
是月是雪因憶江南野泊雪壓篷背時光景正復似之

短檐鐵馬和冰語敲階更少殘葉鼠聲漸起芸編倦擁酒懷添渴疏燈暈
結覺霜逼簾衣自裂似扁舟風來柁尾野岸冷雲疊 回首垂虹夜瘦艣
搖波一枝簫咽窗鳴敗紙尙驚疑打篷乾雪悄護銅瓶怕寒重梅花暗折
卻開門樹影滿地壓凍月

探春

已酉秋暮飲於珠谿奉觴人頗似阿素霧鬢風鬟飄零亦相若也
感成此解

墮葉紅腴疏苔綠倦年花輕換箏柱玉病禁秋花嬌媚晚燭底鬢添涼霧
縹緲驚鴻影似乍見春風前度暗憐舞褪絲楊鏡中消瘦眉嫌 蘇小芳
顏認否甚油壁歸來偏恨遲暮帶眼移香琴心記夢鉛淚也無重數寒雨
連江夜莫更把琵琶低訴明日相思隋帆還挂愁去

踏莎行

癸丑三月賦

疊砌苔深遮窗松密無人小院纖塵隔斜陽雙燕欲歸來卷簾錯放楊花
八 蝶怨香遲鶯嫌語澀老紅吹盡春無力東風一夜轉平蕪可憐愁滿
江南北

滿庭芳

秋水時至海陵諸村落輒成湖蕩小舟來去竟日在蘆花中余居
此既久亦忘岑寂鄉人偶至話及兵革咏我亦有家歸未得之句
不覺悵然

黃葉人家蘆花天氣到門秋水成湖携尊船過帆小入菰蒲誰識天涯倦
客野橋外寒雀驚呼還悵悵霜前瘦影人似柳蕭疏 愁余空自把鄉心

寄雁泛宅依鳧任相逢一笑不是吾廬漫託魚波萬頃便秋風難問蘓鱸
空江上沈沈戍鼓落日大旗孤

瑤花

敗荷

青房乍結夢醒江南又雨聲敲碎羅衣葉葉寒未翦亂壓一湖深翠月明
歌斷更誰倚畫船閑醉賸數叢敗葦荒蘆合寫橫塘秋意 飄零漫惜青
衫算舞散湘臯都是憔悴鴛鴦自浴竟不管悄換西風塵世淒涼太液莫
暗滴露盤清淚待幾時重展枯香斜日小橋魚市

蝶戀花

北游道上

沙外斜陽車影淡紅杏深深人語黃茅店陌上馬塵吹又暗柳花風裏征

衣減 屋後箏弦鶯語豔濁酒孤琴門對春寒揜鴉背殘霜侵短劍紙窗
夢破疏燈賦

木蘭花慢

甲寅四月客有自金陵來者感賦此闕

破驚濤一葉看千里陣圖開正鐵鎖橫江長旗樹壘半壁塵埃秦淮幾星
燐火錯驚疑燈影舊樓臺落日征帆黯黯沈江戍鼓哀哀 安排多少清
才弓掛樹字磨崖甚繞鵲寒枝聞鷄曉色歲月無涯雲埋蔣山自碧打空
城只有夜潮來誰倚莫愁艇子一川烟雨徘徊

玉京秋

秋江晚泊用艸窗韻

江影闊孤帆卸天際倦懷淒切晴樹生秋岸風送響篷敲殘葉山勒寒潮

怒起湧波心千萬堆雪者離別一程程恨去鴻愁說
日落征衫寒怯數
歸期冰輪又缺漬酒羅襟緘詩瑤軸餘香都歇瘦菊霜橙怕客裏偏過登
臨佳節暮笳咽沙影沈沈動月

高陽臺

暗水平橋明霞低浦霜痕冷閣魚叉纔一番寒微黃卻上蒹葭瘦腰不恨
秋來早恨秋來偏在天涯更堪傷十載荷衣吟鬢蒼花 燈邊記得分明
語待夢圓鵲鏡窗倚蟲紗幾日西風雁歸客未還家陌頭柳色渾難覓滿
空江換了蘆花又斜陽過盡西樓都是昏鴉

好事近

吹徧野塘風顰翠倦紅都歇寂寞斜垂牆角見春前胡蝶
籬根露滴海棠疏蟲影顛秋葉猶有一分花意媚空階涼月

一萼紅

牆角小梅未春忽放因憶東園萬樹摧殘可憐哀吟成調歌竟淒然

短牆陰怪東風未到春色已深深壓雪檐低垂蘿徑窄紅萼開倩誰簪漫
惆悵天寒袖薄喚玉笛吹怨入空林烽火連江河山滿眼那處登臨回
首東園舊路賸幾分流水幾樹寒岑冷雨宮垣斜陽喬木還聽笳鼓沈沈
待銷盡花鬢小劫洗冰淚招客說傷心只怕南枝開徧沒個人尋

陽楊

送陳百生北遊

偷彈老淚向短亭話別蘭舟重櫂韻咽寒簫斷腸聽到篷窗底漁灘風定
蘆花起破霜色天涯行李晚來潮催送秋心共故人千里 猶記題詩舊

邸染京洛暗塵醉春遊騎戍鼓驚秋夢魂還渡桑乾水連村黃葉圍殘壘
雁聲在斜陽紅裏何時一笛山樓杯共洗

揚州慢

癸丑十一月二十七日賊趨京口報官軍收揚州

野幕巢烏旗門噪鵲譙樓吹斷笳聲過滄桑一霎又舊日蕪城怕雙燕歸
來恨晚斜陽頽閣不忍重登但紅橋風雨梅花開落空營劫灰到處便
司空見慣都驚問障扇遮塵圍碁賭墅可奈蒼生月黑流螢何處西風黯
鬼火星星更傷心南望隔江無數峯青

虞美人

初三夜月

冰痕微借斜陽送鈎小驚魚夢多情還說十分圓才畫些兒眉意便嬋娟